



Terenga 6: Hōtaka 42 - Te tūwāhi 'reira'

He Mihi

Kei ngā pūhihi manu aute e pūhia mai nei e ngā hau e whā kia tatū mai ki tēnei whare o Ako, tau mai, nau mai, hou mai.

Hei Mahi Whakarongo

He kaiako reo a Anaru Martin i Te Kura Kaupapa Māori o Hoani Waititi Marae, i Te Wānanga o Aotearoa anō hoki. Ka whakarongo tātou ki ana whakamahuki e pā ana ki te whenu reo Māori o Te Wānanga o Aotearoa, anei ngā pātai hei whakautu mā koutou:

- 1) E whakaritea ana te taumata o ngā hōtaka ki te aha?
- 2) He aha anō tētehi kupu whakarite i whakamahia ai e Anaru mō te raupapa o ngā hōtaka?
- 3) He aha te aronga matua i Te Pūtaketanga o Te Reo?

Kia whakarongo ake tātou ki te uri o Ngāti Whātua ki Kaipara.

He Whakamārama

He tūwāhi te kupu 'reira', e kōrero ana mō tētehi wāhi kua oti kē te kōrero. Ka noho ētehi pū ki mua i te tūwāhi nei hei āpiti i ētehi pārongo ki te horopaki:

1. **kei reira** - kei te wāhi kua oti kē te kōrero, ināianei
2. **ki reira** - e ahu ana ki te wāhi kua oti kē te kōrero
3. **nō reira** - i ahu mai i te wāhi kua oti kē te kōrero
4. **i reira** - i te wāhi kua oti kē te kōrero, i mua
5. **hei reira** - kāore anō kia tae ki te wāhi kua oti kē te kōrero

He Mahi Ī-papa



Tuhia mai he tauira e whakamahi ana i te kīanga kei runga i te Īpapa.

Hei Mahi

Whakapākehātia ngā rerenga kōrero e whai ake nei:

1. Kua haere te whānau ki Rotorua. Kei reira te hui ā-tau mō ngā kaitākaro hahau pōro.
2. Kātahi anō au ka hoki mai i te tāone. I reira au mō ngā hāora e whā.
3. Ka kite i a koe ki te tari. Hei reira tāua kōrero ai mō te tūranga hou.
4. I kitea ō kī i te kūaha o te waka. I waiho e au ki reira.

Whakautu:

Mahi Īpapa: I tō mātou taenga ki Rotorua, i reira kē te pahi.

Hei Mahi:

1. The family's gone to Rotorua. The annual golf tournament is being held.
2. I've just returned from town. I was there for four hours.
3. I'll see you at the office. We'll talk about the new position there.
4. I saw your keys in the door of the car. I left them there.